



Anorip eqqakkat imaanut supoortarpai

Naatsumik nassuiaat

Silap allanngorartarnera Kalaallit Nunaanni sungiusimavarput. Kisianni sakkortuumik anorlertillugu eqqakkat teqqarsinnaasut, aammalu anorip ilaannikkut eqqakkat imaanut teqqartittaraat, eqqarsaatigisarparput?

Naamik, tamatiguunngitsoq ilaa?

Tamanna meeqqat ilisimasaqarfiginerulissavaat, taamaalilluta eqqakkat immamiilertartut sapinngisamik annikinnerpaajunissat ataatsimoorluta qulakkeersinnaassagatsigu.

Siunertaq

Eqqakkat imaaniilernerminni susarneri, meeqqanut ilikkassavaat.

Anorip eqqakkat imaanut supoortarpai

Anori nukittuujuvoq. Takusinnaanngikkaluarlutigu malugisinnaavarput. Anori illuartitsisinnaavoq.

Eqqakkat pinngortitamiittut:

Illoqarfissinni/nunaqarfissinni pisuttuaritsi aammalu eqqakkanik pinngortitamiittunik, aammalu anorimit teqqartinneqarsinnaasunik assiliillusi.

Assilisat pappialanngortissigit aammalu nivinngaavissamut nivinngartiterlugit aamma eqqakkat imaaniilersillugit anorip eqqakkanik supoorinissaa qanoq pinngitsoortinneqarsinnaanersut oqallisigalugu.

Makkua pillugit oqaloqatigiigitsi:

- Eqqakkat assigiinngitsut suut pinngortitamiippat?
- Eqqakkat imaaniilinninnissaannut qanoq iliorsinnaavugut?
- Eqqakkat imaaniileraangata qanoq pisoqartarpa?

Eqqakkat imaaniileraangamik

Eqqakkat 10 million tonsit missaat ukiut tamaasa nunarsuarimi imaaniilertartut nalunngiliuk? Eqqakkat imaani avatangiisiniittut amerlanerpaartai plastikkiupput. Tasaanerusarput poortuutit igitat soorlu puuiaasat aamma puussiat plastikkit.

Plastikkit pinngortitami ”tammanngisaannarput”, kisianni avatangiisini amerliartuinnartarlutik, pingaartumik nunarsuarimi imaani. Plastikkit tammarnatik milliartortinneqartunik aggartarput, naggataatigullu mikisuaaraanngortarlutik. Assersuutigalugu seqernup qaamarnga, imaq tarajulik aamma mallit plastikkit mikroplastinngortillugit sunniisarput. Tamanna

sivisoorujussuarmik ingerlasinnaavoq. Assersuutigalugu nangit ataasiartakkat imaluunniit puuiaasaq plastikki mikroplastinngorluni aggortarnera ukiut 500 missaannik sivisussuseqartarpoq.

Imaaniittut mikisuaraaranngorsimasut amerlanertigut imaani uumasunit nerineqartarput. Aalisakkanik imaaneersunik aalisartut pisisimasannaannik nerigaangatta, plastikkinernit mikisuaraaranngorsimasut timitsinniilertarput.

Eqqakkat imaaniittut uumasunut ajoqusiisarput

Plastikkitt arortinneqarsinnaanngillat. Taamaattumik uumasut aqarajui plastikkinik ulikkaarpata, aqjaruini nerisassat inissaarutissapput, taamaattumillu perlerlutik toqusinnaallutik. Plastikkit akuutissanik akoqarput, taakkualu toqunartuusinnaapput. Taamaattumik uumasut plastikkinik aqjarormiullit aamma akuutissanit ajoquserneqarsinnaapput.

Imaani uumasunut pitsaasuunngitsunit plastikkit mikisuaraaranngorsimasut kisimiinngillat. Uumasorpasuarnut, ilanngullugit puisinut, aalisakkanut timmissanullu, plastikkit anginerusut aamma navianartorsiortitsisuupput. Uumasut eqqakkani plastikkini, aalisakkanut qassutini allunaasanilu imaanut annaaneqarsimasunut nermussinnaapput. Uumasut eqqakkani plastikkini pisisineqarunik, anersaartorniartutik, uumasunit qaasuttunit aniguiariartutik imaluunniit nerisassarsiorniartutik immap qaavanukarsinnaajunnaassapput. Taamaattumik uumasut nermussimasut amerlanersaat aniguisanngillat.

Pinngortitap Paarsisui imaani avatangiisit paarilluarnissaannik ikiukkit

Anorip eqqakkat imaanut supoorsinnaagaat aammalu imaani avatangiisini mingutsitsisinnaasut, taamaalillutik imaani uumasut ajoqusersinnaagaat, maannakkut ilisimasaqarfiginerulerparsit.

Makkua pillugit oqaloqatigiigitsi:

- Eqqakkat imaaniilinnginnissaat qanoq pinngitsoortissinnaavarput?
- Plastikkinik atuinnginnerulersinnaavugut?

Sassuma Arnaa pillugu atuarit

Sassuma Arnaa, uumasut ataqineqarnissaat pillugu kalaallit oqaluttualiaat, pillugu nipituumik atuarit.

Videoliaq isumassarsiorfissaq

[Link til Ermup Inua animation](#)

Nanook Sassuma Arnaa pillugu nipilersukkamik videoliaa takuuk

[Nanook - Sassuma Arnaa - YouTube](#)